

Bubu ku a xela




Kalekale ndou dzo vha dzi na
ningo pfufhi.

Liñwe duvha ndou dzo vha dzi
tshi khou fula dakani.

Kudohwana ku no pfi Bubu kwa
mbo di nenga sambi lakwo. Kwa
thoma u tshimbila, kwa tshimbila
kwa tshimbila. Kwa si kone u
pfa dziñwe ndou dzi tshi ku
vhidzelela.

"Ndi khou todou tandula lifhasi
ndi tshi li vhone," hu amba Bubu.




Hu si kalekale, Bubu kwa mbo di
xela. "Ndi khou ṭoda vha hashu,"
kwa elekanya.

Hu si kale kwa mbo di ṭangana na
ndau.

"Ndi ndau nne? Ndi shaka ḥavho?"
hu vhudzisa Bubu.

"Hai, a u na maṇo mahulwane. A u
koni u vhomba. Humela ha mme au,"
hu amba Vho Ndau.



Zwino kwa mbo di tuwa kwa tsa
mulamboni he kwa tangana na
mvuvhu.

Bubu kwa vhudzisa mvuvhu, "Ndi
mvuvhu nne? Ndi mashaka na
iwe?"


"Hai, a u koni u nupela madini. U na
ndevhe khulukhulu ngeno dzanga
dzi thukhu. Humela ha mme au,"
hu fhindula Vho Mvuvhu.



Kwa tshimbila, kwa tshimbila u
swika ku tshi ṭangana na ṭhuḍa.
Kwa lilala ku tshi sedza ṭhuḍa.

Bubu kwa vhudzisa ṭhuḍa,
“Vha mme anga vhone?
Ndi shaka lavho?”

“Hai. U na mutsinga
mupfufhi pfufhi. Humela ha mme
au,” hu fhindula Vho Ṭhuḍa.




Kwa tshimbila, kwa tshimbila u swika ku tshi piringedzwa nga tshibode. Kwa sedza fhasifhasi kha tshibode.

“Ndi shaka lavho?” hu vhudzisa Bubu.

“Hai. A u tshimbili wo beba vhulalo hau mutanani.”

“U tea u humela ha mme au,” hu amba tshibode.




Bubu ku tshi swika mulamboni
kwa vhona ngwena. Ngwena yo
vha i tshi khou ṭoda u ita Bubu
tshiswiṭulo.

Bubu kwa vhudzisa ngwena, "Ri
mashaka? Ndi ንwana wavho?"

"Sendela ngeno tsini ndi kone u u
vhona zwavhuḍi," ndi ngwena i no
ralo.

Bubu kwa dzhena madini ku tshi
sendela tsini na ngwena.
Khathihi fhedzi...



Ngwēna ya kokodza yo kokodza.

Khathihi fhedzi mme a Bubu vha mbo di vhona ñwana wavho. "Iwe ngwēna litsha ñwananga!" vha ralo vha tshi halifhela ngwēna. Vha kokodza Bubu nga mutshila kwa bva madini.

"Bubu, ñwananga! Wo vha u ngafhi?" ndi mme awe vha no ralo. Bubu kwa amba kwo tungufhala kwa ri, "Ndo vha ndi tshi khou sedza vhone."




"Hee vhanna! Kha vha vhone musingo wanga wo no vha mulapfulapfu Vhathu vha do ntsea." hu amba Bubu.

"U songo vhilahela," hu amba kuñoni.

"U do u shumisa kha u dihasha nga mađi na u fula mitshelo," hu amba kuñoni.

Bubu kwa mbo di tuwa, kwa enda ku tshi dzungudza musingo wakwo. Bubu kwa diphinä vhukuma nga u shumisa musingo wakwo mulapfulapfu. Dziñwe ndou dzi tshi ku vhona dza tama uri na dzonevho dzi vhe na musingo mulapfulapfu.

Dza ri na dzone dzi do tatamudza
ningo dzadzo dzi tshi edzisela. U
swika na namusi ndou dzothe dzi
tshee na misingo milapfulapfu.




Bubu ha ngo tsha dovha a
tutshela kule na sambi la hawe.

A zwi talukanya uri ha ndau
kana mvuvhu. Ha thuda kana
tshibode. Nahone ha ngwena.

Upfi Bubu, wa ndou. Mashaka
awe ndi dzindou.

"Ndi ndou." hu amba Bubu.

Takadzwani **nga** u **vha** inwi
muñe wa **vhukuma!**





Mafhungo a ndou

NDOU



1

Ndoukadzi na ndoulume dza Afrika dzi na mañanga. Dzi shumisa mañanga kha u fukula fhasi dza wana zwiliwa.



2

Ndou dza mboho dzi vhidzwa u pfì ndi ndoulume. Ndou dza tsadzi dzi vhidzwa u pfì ndi ndoukadzi. Vhana vhadzo vha pfì ndohwana.



3

Ndou yo vhinaho i a kona u la zwiliwa zwi no lingana 300kg na u nwa litha dza 160 dza madì nga duvha.



4

Tshigwada tsha ndou tshi vhidzwa u pfì ndi sambi.




5

Ndou dzi anzela u edela awara mbili kana tharu nga duvha.



6

Ndou dzi a kona u pfa dziñwe dzi tshi lila musi dzi kha vhukule ha khilomitha dza 8.



7

Ndou dza Afrika dzi a kona nga maanda u pfa minukho. Dzi a kona u pfa munukho wa madi e vhukule ha khilomitha dza 19.



8

Tshileme tsha ndou khulwanesa tshe tsha rekhodiwa ndi 10
886 kg nahone yo lapfa **3,96 m u ya nt̄ha**.



9

Ndou dzi shumisa misingo kha u difafadzela nga madi a no rothola musi hu tshi fhisesa.



10




Ndou dzi a vha na maswangaðuvha lune dza ðitsireledza nga u ðola mavu na matope.

Nyito dza u vhala nga zwigwada



1

Bulani uri ndi tshifanyiso tshifhio tshi re tsha u thoma, tsha vhuvhili, tsha vhuraru na tsha u fhedza. Shumisani zwifanyiso izwi zwi ni thuse u anetshela khonani yanu tshitɔri itshi.



2



Vhalani mbudziso. Vhudzani khonani yanu phindulo dzadzo.

- Thoho ya tshitɔri ndi ifhio?
- Ndi phukha dzifhio dzi re tshitɔrini itshi?
- Phukha dzi re vhaanewa vhahulwane ndi dzifhio?
- Ho bvelela mini kha kuđohwana?
- Ni vhona u nga ndi tshitɔri tsha vhukuma?
- Ndi hu ngana hune na ḥangana na maipfi a no ri: "Ri mashaka?" afha tshitɔrini?
- Ni nga humbela thuso kha ngwəna? Ngani?



3

Shumisani maipfi na zwifanyiso uri zwi ni thuse u dzenisa maipfi o teaho musi ni tshi fhedzisa mafhungo. Nwalani ayo mafhungo buguni yanu ya ndowedzo.



tħuða

tshibode

ndau

ngwena

Bubu

Vha mme anga vhone?" hu vhudzisa _____.

_____ i na mutsinga mulapfu.

_____ tshi hwalwa nndu yatsho mučanani.

_____ yo vha i tshi khou tħodou ja Bubu.

_____ i a vhomba nahone i na manø mahulu.



4

Ńwalani nyito i tevhelaho buguni yanu ya ndowedzo.

- a. Tshitorini itshi wanani maipfi a re na mibvumo i tevhelaho ni a nwale:

vh	sh	ou	mv
----	----	----	----

- b. Ńwalani madzina a phukha dzothe dzi re tshitorini itshi. Ni shumise khoma vhukati ha dzina linwe na linwe.
- c. Ńwalani maipfi a re kha kholomo ya u thoma. Tevhedzani nga u nwala maipfi a re na mutevhetsindo na linwe na linwe lao.

Iwenzhe	mazha	tanzhe	Iwanzhe
łanganya	livhanya	shumela	linganya
shumela	rumela	namela	imisa

- d. Ńwalani mafhungo a 4 u swika kha a 6 nga zwe zwa bvelela kha Bubu.



5

Leibulani zwifanyiso zwi tevhelaho. Ipfì linwe na linwe li vhe na mubvumo wa ph.

